

পাঠ ১

আপনার একজন বন্ধু—
পবিত্র আত্মা

এই পাঠ আপনি পড়বেন

- তিনি একজন বিশেষ বন্ধু
- তিনি আপনাকে সাহায্য করবেন
- তিনি আপনাকে শিক্ষা দেবেন
- তিনি আপনার কাছে ঈশ্বরকে বাস্তব ভাবে প্রকাশ করবেন
- তিনি আপনার জীবনকে প্রেমে পূর্ণ করবেন

“আপনার চিন্তার জন্য”

বর্তমানে পৃথিবীর মানুষ পূর্বের চাইতে বেশী পবিত্র আত্মা ও তার কাজ সম্পর্কে আলোচনা করে থাকে। পবিত্র আত্মা কেবলমাত্র একটি প্রভাব নয় কিন্তু তারা পবিত্র আত্মাকে একজন ব্যক্তি হিসাবে অবিষ্কার করেছেন। যখন প্রাথমিক মণ্ডলীতে বলা হোত “আত্মায় পূর্ণ হও”। আজকে লক্ষ লক্ষ মানুষ তার অর্থ বুঝতে সক্ষম হয়েছেন। পেন্টিকস্টাল পত্রিকার সম্পাদক রবার্ট সি, ক্যানিংহাম লিখেছেন :

“আমরা প্রায়ই একটি গান করে থাকি “ঈশ্বরে পরিপূর্ণ হও”। ঈশ্বরে পরিপূর্ণ হওয়ার অর্থ কি? আমরা কি কোন সময় ভয় বা রাগে পরিপূর্ণ হই না?

যখন কোন মানুষ ভয়ে বা রাগে পরিপূর্ণ হয় তার অর্থ কি? তার অর্থ হোল, এই সকল ভয়ঙ্কর মনোরুতির বশীভূত হওয়া, যার অর্থ এই সকল শক্তিশালী ক্ষমতাগুলি বাস্তব কার্যক্ষেত্রে অন্যের উপর তার প্রভাব বিস্তার করে।

এখানেই পবিত্র আত্মা বর্ষণের মূল গৌরব লুকিয়ে রয়েছে। ঈশ্বরের সেই পবিত্র আত্মা যখন কোন জীবনে নেমে আসে, তখন সেই জীবন ঈশ্বরের উপস্থিতিতে ভরে উঠে। স্বর্গীয় আত্মা সকল মনোরুতি ও ক্ষমতার উপর নিয়ন্ত্রণ রাখে এবং তার ইচ্ছামত যে শক্তিকে ব্যবহার করেন। প্রভু যীশু হঠাৎ করে এসে তাঁর উপস্থিতিতে মন্দির পূর্ণ করেন। মানুষের হৃদয় ঈশ্বরের মন্দির—চিন্তা করুন কথাটি কেমন লাগে। পরবর্তীতে আমরা পবিত্র আত্মায় পরিপূর্ণ হওয়ার অনেক আশ্চর্য বিষয়ে আমরা শিক্ষা লাভ করতে পারবো।

পেন্টেকস্টাল এভানজেল

১৪ই অক্টোবর, ১৯৮৩ সন

তিনি একজন বিশেষ বন্ধু

কোন একজন লোক, মহান এক ব্যক্তিকে তার জীবনে সাফল্যের রহস্য সম্পর্কে জিজ্ঞাসা করেছিলেন উত্তরে তিনি বলেছিলেন “আমার একজন বন্ধু ছিলেন,

আপনার সাহায্যকারী বন্ধু

তার সাহায্য ছাড়া আমার জীবন ব্যর্থ হয়ে পড়তো, তিনি আমাকে সাহায্য করেছেন, উৎসাহ দিয়েছেন, পাশে এসে দাঁড়িয়েছেন, ভালবেসেছেন, তার উপর বিশ্বাস আমার জীবনকে যোগ্য করে তুলেছে।” আপনার জীবনে কি তেমন কোন বন্ধু আছেন যাকে আপনার প্রয়োজন?

কোন ধরনের বন্ধু আপনি আজ পেতে চান? আপনি নিশ্চয় এমন একজন বন্ধু পেতে চান, যিনি আপনার সমস্যায় সঙ্গে থাকবেন, আপনার সুখের ভাগী হবেন। আপনি আশা

করবেন তিনি খোলাখুলি ভাবে সকল সত্য আপনাকে বলবেন যদিও তা অনেক সময় আপনার জন্য কষ্টদায়ক হতে পারে। তিনি আপনার মঙ্গলের জন্য সহানুভূতি সহকারে আপনার দোষ দেখিয়ে দেবেন।

সম্ভবতঃ আপনি এমন বন্ধুকে পছন্দ করবেন, যিনি আপনার চাইতে জ্ঞানে ও শক্তিতে বড়। তিনি আপনাকে শিক্ষা দেবেন, সমস্যায় সাহায্য করবেন। যত বেশী তার সঙ্গে আপনি সময় কাটাবেন, তত বেশী শক্তি ও জ্ঞানে বৃদ্ধি পেতে থাকবেন এবং তার সঙ্গে আরো ঘনিষ্ঠ হয়ে উঠবেন।



প্রভু যীশু, পিতর, যোহন, যাকোব ও অন্যান্য শিষ্যদের নিকট ঠিক তেমনি একজন বন্ধু ছিলেন, যিনি তাদের সুস্থ করেছিলেন, তিনি পাপীদের বন্ধু ছিলেন—তাদের পাপ ক্ষমা করে দিয়ে পবিত্র জীবন যাপন করার সুযোগ দিয়েছিলেন। তিনি ধনী-গরীব,




পাপী-ধার্মিক, শিক্ষিত-অজ্ঞ সকল প্রকার লোকের বন্ধু ছিলেন। সেই সঙ্গে যারা তার বন্ধুত্ব চেষ্টা করেছিলেন তিনি তাদের জন্য এমন নিঃস্বার্থ ভালবাসা দেখিয়েছিলেন যা তারা পূর্বে জানেনি। যেটি ছিল ঈশ্বরের ভালবাসা। তিনি তাদের সত্য শিক্ষা দিয়েছিলেন, সকল সমস্যায় সাহায্য করেছিলেন।

প্রভু যীশু দৈহিক দিক থেকে সীমাবদ্ধ ছিলেন। তিনি তার বন্ধুদের প্রয়োজনে একই সময় সকল স্থানে উপস্থিত থাকতে পারতেন না। তাই প্রভু যীশু তার শিষ্যদের বলেছিলেন, তিনি স্বর্গে পিতার নিকট ফিরে গিয়ে এমন একজন সাহায্যকারী বন্ধুকে পাঠিয়ে দেবেন যিনি একই সময় সর্বদা তাদের সঙ্গে থাকবেন।

যোহন ১৪ : ১৬-১৭ “আমি পিতার নিকটে নিবেদন করিব, এবং তিনি আর এক সহায় তোমাদিগকে দিবেন, যেন তিনি চিরকাল তোমাদের সঙ্গে থাকেন ; তিনি সত্যের আত্মা ; জগৎ তাঁহাকে গ্রহণ করিতে পারে না, কেননা যে তাঁহাকে দেখে না, তাঁহাকে জানে না, তোমরা তাঁহাকে জান, কারণ তিনি তোমাদের নিকটে অবস্থিতি করেন ও তোমাদের অন্তরে থাকিবেন।”

যীশু যে সাহায্যকারী পাঠাবার প্রতিজ্ঞা করেছিলেন তিনি হলেন পবিত্র আত্মা—ত্রিত্বের তৃতীয় ব্যক্তি তিনি ঠিক পিতা ঈশ্বর ও পুত্র প্রভু যীশুর স্বভাব, ক্ষমতা ও উদ্দেশ্য এক। তিনি সর্বত্র ও সকল ক্ষমতার অধিকারী। তার কোন দেহ নাই তবে একই সময় সকল স্থানে উপস্থিত থাকতে পারেন। প্রভু যীশু এই প্রতিজ্ঞাত পবিত্র আত্মাকে পাঠিয়ে দিয়েছিলেন, যেন যারা তাঁকে গ্রহণ করবে, তাদের জীবনে তিনি বাস করতে পারেন। যীশু তার অনুসারীদের জন্য যা করেছিলেন, তিনি আপনার জন্য তা-ই করতে এসেছেন।



যোহন ১৬ : ৭ “আমার যাওয়া তোমাদের পক্ষে ভাল, কারণ আমি না গেলে সেই সহায়

তোমাদের নিকটে আসিবেন না, কিন্তু আমি যদি
যাই, তবে তোমাদের নিকটে তাহাকে পাঠাইয়া
দিব।”



আপনি কি কোন সমস্যা উপলব্ধি
করেছেন যে কেউ আপনাকে বুঝতে
চায় না বা আপনার সমস্যায় লক্ষ্য করে
না। আপনার কি প্রয়োজন তা ঠিকই
ঈশ্বর জানেন এবং সমাধানও করেন।

তিনি আপনাকে এতো ভালবাসেন যে, বিশেষ সহায়
পবিত্র আত্মাকে আপনার বন্ধু হিসাবে পাঠিয়ে দিয়েছেন।
এই পাঠে আপনি জানতে পারবেন, কিভাবে পবিত্র আত্মা
এসেছিলেন, এবং আদি খ্রীষ্টিয়ানদের জীবন কিভাবে
কাজ করেছিলেন, সেই সঙ্গে আপনার জীবন কিভাবে
কাজ করবেন। পবিত্র আত্মাকে বন্ধু হিসাবে পেলে আর
কখনো ভাবতে হবে না যে আপনি নিঃসঙ্গ ও সহায়হীন।



আপনার করণীয়

১। যীশু লোকদের জন্য কি করেছিলেন এবং
পবিত্র আত্মা আপনার জন্য কি করবেন তা
চিন্তা করুন।

২। যোহন ১৪ : ১৬-১৭ পদ মুখস্থ করুন।

তিনি আপনাকে সাহায্য করবেন

যীশু আর এক সহায় পাতিয়ে দেবার প্রতিজ্ঞা করেছিলেন। গ্রীক শব্দে তাকে বলা হয়েছে “প্যারাক্লিট” কেউ আবার সাহায্য দানকারী হিসাবে অনুবাদ করেছেন, তার অর্থ পাশাপাশি কাউকে সাহায্যের জন্য ডাকা। প্যারাক্লিট নামের অন্য অর্থে তার দায়িত্ব ক্ষমতা এবং কিভাবে আপনাকে সাহায্য করবেন তা বলা হয়েছে। তাকে বলা হয়েছে জীবনের আত্মা পবিত্র আত্মা, সত্যের আত্মা, প্রজার আত্মা, খ্রীষ্টের আত্মা, ঈশ্বরের আত্মা। আপনার সমস্যা যা-ই হোক না কেন তার সমাধান আপনার বন্ধুর হাতে রয়েছে।

জীবনের আত্মা

আপনার কি দৈহিক সুস্থতার প্রয়োজন? আজকে পৃথিবীর বিভিন্ন স্থানে প্রার্থনার দ্বারা পবিত্র আত্মার শক্তিতে অসুস্থ লোক অলৌকিক ভাবে সুস্থতা লাভ করছে, বধির শুনতে পাচ্ছে, অন্ধ দেখতে পাচ্ছে, এমন



কি পক্ষাঘাতী তার লাঠি ফেলে দিয়ে হাঁটতে পারছে। তিনিই জীবনের আত্মা যিনি সকলকে জীবন দেন। তিনি প্রভু যীশুর মধ্য দিয়ে সেই কাজ শুরু করেছিলেন এবং বর্তমানেও সে কাজ করে চলছেন। পরবর্তী পাঠে আপনি আরো ভালভাবে জানতে পারবেন জীবনের আত্মা কিভাবে দৈহিক ও আত্মিক সুস্থতা দেন। তিনি আমাদের জীবনকে ভরে তোলেন এই পৃথিবীতে আনন্দ ও পরিতৃপ্তিতে; সেই সঙ্গে ভবিষ্যতের জন্য দেন অনন্তকালীয় গৌরবময় প্রত্যাশা। কিন্তু আত্মা যে জীবন আপনাকে উপভোগ করতে দিয়েছেন, তাকে অবশ্য সুযোগ দিতে হবে আপনার জীবনকে পরিচালনা করতে।

রোমীয় ৮ : ৫, ৬ যাহারা আত্মার বশে আছে তাহারা আত্মার বিষয় ভাবে, কারণ মাংসের ভাব মৃত্যু, কিন্তু আত্মার ভাব জীবন ও শান্তি।



আপনার করণীয়

- ০। পবিত্র আত্মার সাতটি নাম শিখুন।
- ৪। আপনি পবিত্র আত্মাকে কি আপনার বন্ধু ও সাহায্যকারী হিসাবে পেতে চান ?
- ৫। আপনি কি পবিত্র আত্মার বিষয় আরো ভাল করে জানতে চান ?

৬। রোমীয় ৮ : ৫, ৬ পদ পাঁচবার পড়ুন।

পবিত্র আত্মা

আপনি কি মনে করেন যে পবিত্র আত্মায় জীবন যাপন করা খুব কঠিন বিষয়? আপনি কি সুন্দর খ্রীষ্টিয় জীবন যাপন করতে চান? আপনার সাহায্যকারী বন্ধু হচ্ছেন, পবিত্র আত্মা বা পবিত্রতার আত্মা। পবিত্র আত্মা আমাদের জীবনে দেখিয়ে দেন পাপ কত ভয়াবহ এবং কিভাবে তা থেকে মুক্তি পাওয়া যায়? আমরা যখন তাকে সব খুলে বলি, তখন তিনি আমাদের ঈশ্বরের কাছে নিয়ে যান। আর ঈশ্বর আমাদের পাপ, গর্ব, স্বার্থপরতা, অবাধ্যতা, রাগ, ঘৃণা, অলসতা, বিদ্রোহ, লোভ, নীতিব্রষ্ট চিন্তাগুলিকে দূর করে দেন।

সম্ভবতঃ আপনার জীবনে এমন কতগুলি খারাপ বিষয় রয়েছে যা থেকে আপনি মুক্তি পেতে চান। আপনি যদি খ্রীষ্টের সন্তান হন তাহলে আপনার দেহ পবিত্র আত্মার মন্দির। তিনি আপনাকে এ সকল খারাপ বিষয় থেকে মুক্ত করবেন, যা আপনার কল্যাণ সাধন করে চলছে। হাজার হাজার মদ্যপায়ী পবিত্র আত্মার শক্তিতে এই আসক্তি থেকে মুক্তি পেয়েছে। চিকিৎসা বিজ্ঞান, সমাজ কর্মকর্তা সাময়িক ভাবে তাদের সাহায্য দিতে পেরেছে কিন্তু শেষ পর্যন্ত তারা ফিরে এসেছে



ঈশ্বরের কাছে সাহায্যের জন্য। প্রভু যীশুকে মুক্তিদাতা হিসাবে গ্রহণ করার পর পবিত্র আত্মাকে আহ্বান করেছে যেন ঈশ্বরের জন্য জীবন যাপন করার শক্তি তারা পায়। যখন পবিত্র আত্মার শক্তি তাদের জীবনে এসেছে তখন তারা মদ্যপানের আসক্তি থেকে মুক্ত হয়ে ঈশ্বরের প্রেমে পূর্ণ হয়েছে এবং তাদের জীবনে অন্যকে সাহায্য করার মনোভাব সৃষ্টি হয়েছে। তাদের মধ্যে অনেকে সুসমাচার প্রচারক। তাদের জীবন পবিত্র কারণ পবিত্রতার সেই আত্মা তাদের মধ্যে রয়েছে।

১ পিতর ১:১ “তোমরা পিতা ঈশ্বরের ইচ্ছানুসারে আত্মার পবিত্রীকরণের জন্য মনোনীত হইয়াছ।”



আপনার করণীয়


৭। আপনার জীবনে কি এমন কোন পাপ বা খারাপ অভ্যাস আছে যা থেকে আপনি চান যেন পবিত্র আত্মা আপনাকে মুক্ত করেন। সেগুলি লিখুন নিজে দেখবার জন্য ও পবিত্র আত্মাকে দেখাবার জন্য এবং বলুন যেন পবিত্র আত্মা আপনার জীবনকে নিয়ন্ত্রণ করেন ও আপনাকে ঐ সব মন্দ অভ্যাস থেকে মুক্ত করেন।

তিনি আপনাকে শিক্ষা দেবেন সত্যের আত্মা

যীশু যেমন তার শিষ্যদের সত্য শিক্ষা দিয়েছিলেন এবং তাদের প্রশ্নের উত্তর দিয়েছিলেন, ঠিক তেমনি ভাবে পবিত্র আত্মা আপনাকে শিক্ষা দেবেন। তিনি আপনাকে জীবনের উদ্দেশ্য বলে দেবেন এবং ঈশ্বর সম্পর্কে সকল প্রশ্নের উত্তর দেবেন। বাইবেলকে বুঝতে তিনি সাহায্য করবেন এবং যে সকল শাস্ত্রাংশ আপনার কাছে কঠিন বলে মনে হয় তা তিনি আপনাকে বুঝতে সাহায্য করবেন। যীশু বলেন :

মথূ ১৬ : ১৩ যখন সেই সত্যের আত্মা আসিবেন, তখন পথ দেখাইয়া তোমাদিগকে সমস্ত সত্যে লইয়া যাইবেন।

সম্প্রতি অনেক শিক্ষা অঙ্গনের ছাত্ররা পবিত্র আত্মায়



পরিপূর্ণ হচ্ছেন। বাইবেলের সত্য তাদের জীবনে জীবন্ত ভাবে প্রকাশ পেয়েছে। তাদের শিক্ষকগণ ছাত্রদের আত্মিক এই নূতন অভিজ্ঞতা দেখে বিস্মিত হয়েছেন। সত্যের আত্মা এসেছেন।



আপনার করণীয়

৮। যোহন ১৬ : ১৩ পদ মুখস্থ করুন।

৯। আপনি কি চান যে সত্যের আত্মা আপনাকে শিক্ষা দেন।

প্রজ্ঞার আত্মা

আপনি কি আপনার সমস্যার সমাধান করতে গিয়ে চিন্তিত হয়ে পড়েন, কি করবেন তা ভেবে? প্রজ্ঞার আত্মা আপনাকে সাহায্য করতে এসেছেন। তিনি আপনাকে পরিচালনা দেবেন এবং দেখিয়ে দেবেন আপনার করণীয় কি? চতুর্থ পাঠে আপনি পড়বেন কিভাবে তিনি তা করবেন।

ঈশ্বরের কাজ করতে গিয়ে আপনার কি জ্ঞানের প্রয়োজন? প্রেরিতদের কার্য বিবরণীতে আপনি দেখতে পাবেন, প্রচারকদের প্রভুর পক্ষে কাজ করতে গিয়ে



পবিত্র আত্মায় পূর্ণ হতে হয়েছিল। হতে পারে আপনি সাপ্তেস্কুলে শিক্ষা দেন বা ব্যক্তিগত ভাবে প্রচার করেন। প্রজার আত্মা আপনাকে পূর্ণ করতে চান সাহায্য করতে চান যেমনটি আদি মণ্ডলীতে করেছিলেন।

প্রেরিত ৬ : ১০ তিনি (স্ত্রিফান) যে বিজ্ঞতার ও আত্মার বলে কথা কহিতেছিলেন তাহার প্রতিরোধ করিতে তাহাদের সাধ্য হইল না।



আপনার করণীয়

১০১ আপনার কি প্রজার আত্মায় পূর্ণ হওয়া প্রয়োজন রয়েছে ?

তিনি আপনার কাছে ঈশ্বরকে বাস্তব ভাবে প্রকাশ করাবেন

ঈশ্বরের আত্মা

ঈশ্বর কি আপনার জীবনে বাস্তব ? তিনি কি এমন একজন যিনি আপনার কাছ থেকে অনেক দূরে



থাকেন, যাকে এবং কেবল মাত্র সমস্যায় পড়ে তাঁকে ডেকে থাকেন। অথবা এমন একজন স্বর্গীয় প্রেমী পিতা যিনি প্রতি মুহূর্তে আপনার সঙ্গে সঙ্গে থাকেন। আপনার প্রার্থনা কি সংক্ষিপ্ত যা কেবল আপনার কর্তব্য হিসাবে আপনি করে থাকেন? অথবা আপনার বাবার সঙ্গে খোলাখুলি আলাপের মত? ঈশ্বরের আত্মা এসেছেন যেন ঈশ্বরকে আপনি আরো ভালো করে জানতে পারেন।

১ করিন্থীয় ২ : ১০-১২ “কারণ আমাদের কাছে ঈশ্বর তাঁহার আত্মা দ্বারা তাহা প্রকাশ করিয়াছেন, কেননা আত্মা সকলই অনুসন্ধান করেন, ঈশ্বরের গভীর বিষয় সকলেও অনুসন্ধান করেন..... কেবল ঈশ্বরের আত্মা জানে..... আমরা ঈশ্বর হইতে নির্গত আত্মাকে পাঠিয়াছি যেন ঈশ্বর আমাদের কাছে যাহা যাহা দান করিয়াছেন, তাহা জানিতে পারি।”

আপনার শিক্ষক আপনার জন্য প্রার্থনা করবেন যেমন প্রেরিত পৌল ইফিসীয়দের জন্য করেছিলেন।

ইফিসীয় ১ : ১৬-১৯ আমি..... যেন আমাদের প্রভু যীশু খ্রীষ্টের ঈশ্বর, প্রতাপের পিতা,

আপনার সাহায্যকারী বন্ধু

আপনার তত্ত্বজ্ঞানে জ্ঞানের ও প্রত্যাদেশের আত্মা তোমাдиগকে দেন; যাহাতে তোমাদের হৃদয়ের চক্ষু আলোকময় হয়, যেন তোমরা জানিতে পাও তাঁহার আহ্বানের প্রত্যাশা কি, পবিত্রগণের মধ্যে তাঁহার দায়িত্ব-কারের প্রতাপ-ধন কি, এবং বিশ্বাসকারী যে আমরা, আমাদের প্রতি তাঁহার পরাক্রমের অনুপম মহত্ত্ব কি।



আপনার করণীয়

১১। ইফিমীয় ১ : ১৬-১৯ পদ পাঁচবার পাঠ করুন ও এই প্রার্থনা আপনার নিজের ও অন্যদের জন্য করুন।

খ্রীষ্টের আত্মা

পবিত্র আত্মা—খ্রীষ্টের আত্মা, যখন আপনার জীবনে পরিব্রাজ দান করেন, তখন খ্রীষ্টকে সঠিক ভাবে উপস্থিত করেন। তিনি প্রকাশ করেন যে যীশু খ্রীষ্ট যিনি অনেক দিন পূর্বে এ জগতে ছিলেন তিনি একজন শিক্ষকের চেয়ে মহান। তিনি আপনাকে পরিচয় করিয়ে দেন প্রভু যীশুর সঙ্গে যেন তাকে মুক্তিদাতা হিসাবে গ্রহণ

করতে পারেন। তিনি আপনাকে খ্রীষ্টের সঙ্গে সন্মিলিত করেন এবং তার মণ্ডলীরূপ দেহের সদস্য করে নেন। এই সন্মিলন এতো বাস্তব যে খ্রীষ্টে তাঁর আত্মার মাধ্যমে আমাদের সঙ্গে বাস করেন।

রোমীয় ৮ : ৯ “কিন্তু খ্রীষ্টের আত্মা যাহার নাই, সে খ্রীষ্টের নয়।”

পবিত্র আত্মা অবতরণের পূর্বেই সেই আত্মা যীশুর অনুসারীদের সঙ্গে সঙ্গে ছিলেন। কিন্তু তিনি প্রতিজ্ঞা করেছিলেন যে তিনি নূতন ভাবে এসে তাদের জীবনকে পূর্ণ করবেন। যীশু তাদের পবিত্র আত্মায় অবগাহিত করেন বলে উল্লেখ করেছিলেন। যখন তিনি তাদের পবিত্র আত্মায় অবগাহিত করলেন তখন পবিত্র আত্মা যীশুর বিষয় আরো শিক্ষা দিলেন এবং তার বিষয় বলতে আরো শক্তি দিলেন।



ঠিক তেমনি ভাবে আজকে যারা নূতন জন্ম প্রাপ্ত হচ্ছেন, তারা খ্রীষ্টের আত্মায় জাত হচ্ছেন। যীশু চান যেন সকলেই আত্মায় পূর্ণ হয়ে সুন্দর ভাবে সাক্ষ্য দিতে পারে। আপনি এ বিষয় পরে আরো জানতে পারবেন।

মোহন ১৫ : ২৬ ; ১৬ : ১৪ যাহাকে আমি পিতার নিকট হইতে তোমাদের কাছে পাঠাইয়া

দিব, সত্যের সেই আত্মা যিনি পিতার নিকট হইতে বাহির হইয়া আইসেন, তিনিই আমার বিষয়ে সাক্ষ্য দিবেন, তিনি আমাকে মহিমাশ্রিত করিবেন কেননা যাহা আমার, তাহাই লইয়া তোমাদিগকে জানাইবেন।



আপনার করণীয়

১২। আপনি কি চান আত্মা যীশুকে আপনার নিকট আরো বাস্তব ভাবে উপস্থিত করুক। যদি তা-ই হয় তাহলে তাকে তা করতে বলুন।

তিনি আপনার জীবন প্রায় পূর্ণ করাবেন

বর্তমান পৃথিবীতে স্বার্থহীন ভালবাসার প্রয়োজন, যা একমাত্র ঈশ্বর দিতে সমর্থ। আপনি যদি পবিত্র আত্মা দ্বারা পরিচালিত হন তাহলে ঈশ্বর আপনার মধ্য দিয়ে সেই অভাব মিটিয়ে দিতে পারেন।

পুরাতন নিয়মে ঈশ্বর ভাববাদীদের মধ্য দিয়ে তার ভালবাসার কথা প্রকাশ করেছিলেন। তারা সেই ভালবাসার কথা সকলকে জানিয়েছিলেন। কিন্তু আজও অনেক লোক চিন্তা করে, তাদের পাপের জন্য ঈশ্বর কঠোর ভাবে বিচার করেন। তারা এ কথা বুঝতে পারেনি ঈশ্বর তাদের পাপ থেকে মুক্ত করে, তাদের পিতা হতে চান।

শেষ পর্যন্ত ঈশ্বর তার পুত্রকে পাঠিয়ে দিয়ে সকলের কাছে প্রকাশ করলেন, তিনি কেমন। প্রভু যীশু শিক্কার মাঝে মনুষ্য জাতির জন্য তার ভালবাসার কথা জানতে পারবেন। যীশুর জীবনে বাস্তবে আপনি সে প্রেম দেখতে পান। মৃত্যু ও পুনরুত্থানের মধ্য দিয়ে তা তিনি প্রমাণ করেছিলেন।

দুই হাজার বৎসর পূর্বে যা ঘটেছিল আপনার নিকট তা পুরাতন বলে মনে হতে পারে। বর্তমান পৃথিবীর মানুষ, অন্যান্য পাপ, যুদ্ধের উৎপীড়নে জর্জরিত। হয়তো আপনার মনে প্রশ্ন উঠবে সত্যি কি ঈশ্বর আপনার জন্য চিন্তিত? ব্যক্তিগত ভাবে তার সঙ্গে আমাদের সাক্ষাৎ করতে হবে। যখন আমরা তা করি, তখন বুঝতে পারি তিনি আমাদের ভালবাসেন।

তাই পবিত্র আত্মা এসেছেন যেন আমরা ব্যক্তিগত ভাবে তার সঙ্গে মিলিত হই। প্রভু যীশু এসে যেমন পিতার ভালবাসা প্রকাশ করেছিলেন, ঠিক তেমনি ভাবে পবিত্র আত্মা, পিতা ও পুত্রের ভালবাসা প্রকাশ করলেন। তিনি আপনার জীবনে এমন ভালবাসা প্রকাশ করবেন যা আপনি ভাষায় প্রকাশ করতে পারবেন না। তিনি এ কাজ শুরু করেন যখন তাকে গ্রহণ করে পরিবর্তিত হন। যখন আপনি পবিত্র আত্মায় পূর্ণ হন তখন আপনার জীবনে ঈশ্বরের প্রেম ধারণ করার ক্ষমতা বেড়ে যায়। আর এ


আপনার সাহায্যকারী বন্ধু

ভাবে যখন বার বার তার আত্মায় পূর্ণ হতে থাকেন, তখন ঈশ্বরের ভালবাসা আপনার জীবনে উপচিয়ে পড়তে থাকে।

রোমীয় ৫ : ৫ যেহেতু আমাদেরকে দত্ত পবিত্র আত্মা দ্বারা ঈশ্বরের প্রেম আমাদের হৃদয়ে সেচিত হইয়াছে।

পাঁচ ভাবে ভালবাসা আপনার জীবনকে পূর্ণ করে :

- ১। ঈশ্বরের ভালবাসা আপনার জন্য
- ২। আপনার ভালবাসা ঈশ্বরের জন্য
- ৩। খ্রীষ্টিয় সন্তানদের জন্য আপনার ভালবাসা
- ৪। আপনার ভালবাসা খ্রীষ্টিয় সন্তানদের জন্য
- ৫। আপনার ভালবাসা সকলের জন্য



যে সকল লোক পবিত্র আত্মায় পূর্ণ হয়েছেন তাদের অভিজ্ঞতা এ ভাবে বর্ণনা করা হয়েছে।

* এটি একটি ভালবাসার বাপ্তিস্ম। যা আমার জীবনে ঈশ্বর ও তার বাক্যকে ভালবাসতে সাহায্য করেছে।

* পবিত্র আত্মা আমাকে, আমার পরিবার, বন্ধু, ও অন্যান্য খ্রীষ্টিয় সন্তানদের, এমন কি যারা আমার শত্রু ছিলেন, তাদের নূতন ভাবে ভালবাসতে শিক্ষা দিয়েছেন।

* পবিত্র আত্মা কালভেরীকে আমার জীবনে বাস্তবে প্রকাশ করেছেন এবং আমার জীবন কৃতজ্ঞতায় ভরে উঠেছে। ঈশ্বরের প্রতি আমার ভালবাসা উপচে পড়ছে যার ফলে আমার ওষ্ঠাধর তাঁর প্রশংসা করে।

* ঈশ্বরের ভালবাসা হারানো আত্মার জন্য আমাকে উদ্বিগ্ন করে তুলেছে। পবিত্র আত্মা আমার মধ্য দিয়ে তাদের জন্য প্রার্থনা করতে সাহায্য করেছে।

বর্তমান দিনের এই অভিজ্ঞতা প্রাথমিক মণ্ডলীর মত একই ভাবে প্রকাশিত হচ্ছে। (তারা কি ভাবে একে অন্যকে ভালবাসতো) যে কোন স্থানে আপনি যান না কেন, আত্মায় পরিপূর্ণ ভাই-বোনদের ভালবাসার প্রশংসা অবশ্য করবেন। আপনি যদি পবিত্র আত্মাকে

আপনার সাহায্যকারী বন্ধু

আপনার জীবনে ভালবাসায় পূর্ণ করতে সুযোগ দেন, তা-হলে ভালবাসার এক নূতন জীবনে আপনি প্রবেশ করবেন। আপনার স্বপ্ন বাস্তব হবে।



আপনার করণীয়

১৩। রোমীয় ৫ : ৫ পদ মুখস্থ করুন।

১৪। ভালবাসার পাঁচটি পদ্ধতির একটি খসড়া তৈরী করুন।

১৫। যখন আপনি এ শিক্ষামালাটি অধ্যয়ন করেন, তখন প্রেরিতদের কার্য বিবরণ থেকে প্রত্যেক দিন অন্ততঃ একটি করে অধ্যায় পড়ুন। যখন পবিত্র আত্মার কোন নাম আপনি পান তখন তার নীচে কালী দিয়ে দাগ দিন। পরে একটি রিপোর্ট তৈরী করুন।

১৬। আমরা যদি পবিত্র আত্মার সাহায্য পেতে চাই তা-হলে প্রথমতঃ আমাদের প্রয়োজন সম্বন্ধে বুঝতে হবে। আপনার নির্দিষ্ট প্রয়োজনের পাশে (প্র) কথাটি লিখুন।

সাহায্যকারী সত্যের আত্মা
সহায় খ্রীষ্টের আত্মা
ঈশ্বরের আত্মা প্রভুর আত্মা
জীবনের আত্মা পবিত্রতার আত্মা

আপনি যদি ইতিমধ্যে পবিত্র আত্মার এই সাহায্যের অভিজ্ঞতা লাভ করে থাকেন, তা-হলে প্রত্যেকটি নামের পাশে (অ) কথাটি লিখে রাখুন। আপনার জন্য ঈশ্বর যা করেছেন, তার জন্য ঈশ্বরকে ধন্যবাদ দিন। তারপর প্রার্থনা করুন সেই সকল বিষয়ের জন্য যেখানে (প্র) কথাটি লিখেছেন। এগুলি একটি আলাদা কাগজে লিখে আপনার বাইবেলের মধ্যে রেখে দিন যেন প্রয়োজনীয় বিষয়ের জন্য প্রার্থনা করতে পারেন এবং যে সকল আশীর্বাদ ইতিমধ্যে লাভ করেছেন তার জন্য ধন্যবাদ দিতে পারেন।